

Gweithgor Parth Buddsoddi Sir y Fflint a Wrecsam

Cylch Gorchwyl Drafft, Tachwedd 2025

1. Awdurdod/ 2. Cyfansoddiad	Mae Porth 3 Parth Buddsoddi Sir y Fflint a Wrecsam yn dynodi'r trefniadau Llywodraethu ar gyfer cyflawni'r Parth Buddsoddi. Uchelgais Gogledd Cymru, Cyd-bwyllgor Corfforedig y Gogledd yw'r Corff Atebol ar gyfer cyllid y Parth Buddsoddi gan y Llywodraeth a bydd yn dirprwyo cyfrifoldebau corff atebol i'w Is-bwyllgor Lles Economaidd.
3. Atebolrwydd	Bydd y Gweithgor, drwy ei Gadeirydd, yn adrodd i Gyd-bwyllgor Corfforedig y Gogledd a/neu ei Is-bwyllgor Lles Economaidd. Bydd Aelodau'r Gweithgor (Arweinyddion Cyngor Sir y Fflint a Chyngor Bwrdeistref Sirol Wrecsam) yn atebol i'w gilydd i sicrhau bod gweithio mewn partneriaeth yn gydweithredol, yn gynhyrchiol, yn gynaliadwy ac yn gefnogol. Bydd Adroddiadau Cynllun Cyflawni Blynnyddol y cytunir arnynt yn cael eu cyflwyno gan Gadeirydd y Gweithgor i Is-bwyllgor Lles Economaidd Cyd-bwyllgor Corfforedig y Gogledd Bydd y Gweithgor hefyd yn ceisio diweddarau partneriaid eraill fel y bo'n briodol.
4. Swyddogaethau a chyfrifoldebau	Bydd y Gweithgor yn derbyn Cynlluniau Cyflawni Blynnyddol drafft yn Ch3 ym mhob blwyddyn ariannol gan Uwch Swyddog Cyfrifol y Parth Buddsoddi a Rheolwr Rhaglen y Parth Buddsoddi. Bydd y Cynllun Cyflawni Blynnyddol yn cael ei baratoi gan y Rheolwr Rhaglen mewn ymgynghoriad agos â Rheolwyr Parth Buddsoddi Cyngor Sir y Fflint a Chyngor Bwrdeistref Sirol Wrecsam a swyddogion ehangach sy'n ymwneud â chyflawni'r Parth Buddsoddi. Mae'r Gweithgor Parth Buddsoddi yn gyfrifol am y gweithgareddau a ganlyn: • Adolygu cynnydd cyflawni'r Parth Buddsoddi; • Adolygu a chymeradwyo'r Cynllun Cyflawni Blynnyddol drafft; • Cyflwyno'r Cynllun Cyflawni Blynnyddol i Is-bwyllgor Lles Economaidd y CBC i'w gymeradwyo'n derfynol a'i gyflwyno i Lywodraeth Cymru a Llywodraeth y DU; ac • Adolygu cyfathrebu a chyfleoedd hyrwyddo.
5. Aelodaeth	Bydd y Gweithgor yn cynnwys dau aelod parhaol a fydd yn cyfarfod yn flynyddol neu'n gyfnodol fel arall fel y cytunir. Y ddau aelod yw: • Arweinydd Cyngor Sir y Fflint; ac • Arweinydd Cyngor Bwrdeistref Sirol Wrecsam. Ystyrir bod cworwm yn y Gweithgor pan fydd y ddau aelod yn cymryd rhan yn y cyfarfod. Os nad yw aelod yn gallu mynychu, gall yr aelod gynnig, yn ddelfrydol dri diwrnod neu fwy cyn y cyfarfod, i ddirprwy fynychu gyda chytundeb y Cadeirydd ar ran y Gweithgor. Diben y dull hwn yw cynnal cydlyniad y Gweithgor. Rhaid i unrhyw ddirprwy a gynigir fod yn unigolyn sy'n gwbl gymwys, yn ymwybodol ac

	wedi ei hysbysu o'r materion i'w trafod yn y cyfarfod, fel ei fod yn gallu rhoi mewnbwn llawn drwy ddarparu'r arbenigedd angenrheidiol i drafod materion allweddol.
6. Cydraddoldeb, amrywiaeth a chynhwysiad	Wrth gynnal ei fusnes, bydd y Gweithgor bob amser yn ceisio hyrwyddo ei ymrwymiad i'r Gymraeg ac i gydraddoldeb ac amrywiaeth drwy greu amgylchedd sy'n gynhwysol i'w aelodau a'i bartneriaid gan gynnwys y rhai sydd â nodweddion gwarchodedig ac aelodau bregus o'n cymuned.
7. Cyfathrebu	Bydd y Cadeirydd yn cytuno ar brotocolau cyfathrebu ar gyfer rhannu a lledaenu gwybodaeth o fewn y Gweithgor ac yn gyhoeddus. Bydd cynnydd yn cael ei adrodd, fel sy'n ofynnol ac fel y bo'n briodol, fel y nodir yn adran 2 uchod. Bydd arddull cyfathrebu agored yn cael ei fabwysiadu ar faterion Parth Buddsoddi rhwng ac ar ran partneriaid y Parth Buddsoddi.
8. Gweinyddu'r cyfarfodydd ac adrodd iddynt	Bydd y Gadeiryddiaeth yn symud rhwng y ddau aelod bob yn ail. Bydd rhaglenni a phapurau'n cael eu cyflwyno o leiaf 5 diwrnod busnes llawn cyn cyfarfod. Bydd nodyn o holl gyfarfodydd y Gweithgor yn cael ei gofnodi'n ffurfiol a'i gyflwyno i Gyd-bwyllgor Corfforedig y Gogledd.
9. Gwrthdaro buddiannau	Bydd yn ofynnol i aelodau'r Gweithgor ddatgan unrhyw fuddiannau sy'n gwrthdaro wrth iddynt godi. Bydd gofyn iddynt gadw at Saith Egwyddor Bywyd Cyhoeddus, fel y'u lluniwyd gan y Pwyllgor ar Safonau mewn Bywyd Cyhoeddus a elwir yn fwy cyffredin yn Egwyddorion Nolan. Gan sicrhau dull cytbwys, bydd gwrthdaro buddiannau yn cael ei reoli yn unol â chyfansoddiad y CBC. Bydd angen Datganiadau Gwrthdaro Buddiannau ar ddechrau rhaglen pob cyfarfod. Bydd holl gofnodion a phapurau cyfarfodydd yn cael eu cyhoeddi felly bydd unrhyw Wrthdaro Buddiannau yn dryloyw yn gyhoeddus.
10. Adolygu	Bydd y Cylch Gorchwyl ar gyfer y Gweithgor Parth Buddsoddi yn cael eu hadolygu'n flynyddol.